

Zaštita na radu – Dužnosti po zakonima o zaštiti na radu (WHS)

Model Zakona o zaštiti na radu zahtijeva od poslodavaca da vode računa o zdravlju, sigurnosti i dobrobiti ljudi na radnom mjestu. To uključuje:

- pružanje i održavanje radnog okruženja bez rizika za zdravlje i sigurnost
- pružanje adekvatnih i pristupačnih popratnih sadržaja za dobrobit radnika da mogu obavljati posao, i
- praćenje zdravlja radnika i stanja na radnom mjestu radi sprečavanja bolesti ili povreda.

Dužnost prema radnicima

Vaša je obaveza da se pobrinete za zdravlje i sigurnost svojih radnika. Morate ukloniti rizik od izloženosti COVID-19, ili ako to nije moguće, rizik morate umanjiti u najvećoj mogućoj mjeri.

Zaštitite radnike od rizika izlaganja COVID-19 na primjer:

- primjenjivanjem dogovora o radu od kuće
- zahtijevanjem od radnika da održavaju fizičku distancu i primjenjuju higijenske mjere
- zahtijevanjem od radnika da ostanu kod kuće kad su bolesni, i
- redovnim i temeljitim čišćenjem radnog mjesta.

Dužnosti prema drugim ljudima na radnom mjestu

Morate osigurati da posao vašeg preduzeća ne ugrožava zdravlje i sigurnost drugih ljudi poput kupaca, klijenata i posjetilaca.

Zaštitite druge od rizika izlaganja COVID-19 tako što ćete, na primjer, zahtijevati da:

- održavaju fizičku distancu, uključujući i putem isporuka i plaćanja bez dodirivanja
- primjenjuju higijenske mjere, i
- ne dolaze na posao, osim ako je neophodno

Obaveza održavanja radnog mjesta i sadržaja

Morate održavati svoje radno mjesto kako biste osigurali da radno okruženje ne dovodi radnike i druge ljude u opasnost od zaraze s COVID-19.

Održavajte zaštitu na radilištu, na primjer:

- redovnim i temeljitim čišćenjem radnog mjesta
- promjenom rasporeda radnog mjesta kako bi se omogućilo fizičko distanciranje i
- ograničavanjem broja ljudi na radnom mjestu.

Morate osigurati i odgovarajuće sadržaje na radnom mjestu, uključujući:

- sredstva za pranje ruku sapunom, vodom i papirnatim peškirićem
- sredstva za dezinfekciju ruku, tamo gdje radnici ne mogu prati ruke, i
- čiste prostorije za osoblje koje omogućavaju fizičko distanciranje.

Omogućite radnicima redovne pauze za korištenje potrebnih prostorija, posebno za pranje ruku.

Obaveza pružanja informacija, obuke, instrukcija i nadzora

Svojim radnicima morate pružiti informacije ili obuku potrebnu za zaštitu od rizika izloženosti COVID-19 zbog njihovog rada.

To može uključivati:

- uputstva za pravilno pranje ruku
- obuku o postavljanju i korištenju bilo kakve potrebne osobne zaštitne opreme
- obuku o tome kako i kada treba čistiti
- uputstva za organiziranje sigurnog radnog mjesta u kući, i
- uputstva da ostanete kod kuće ako ste bolesni.

Obaveza da se posavjetujete

Morate se posavjetovati s radnicima po pitanjima zdravlja i sigurnosti u vezi sa COVID-19 i pružiti radnicima mogućnost da iznesu svoje stavove i zabrinutosti. Uzmite u obzir njihove stavove i obavijestite radnike o rezultatima tog savjetovanja.

Posavjetujte se s radnicima kada se:

- provodi procjena rizika
- donose odluke o kontrolnim mjerama za upravljanje rizicima, kao što je uvođenje dogovora o radu od kuće ili ograničenja na radnom mjestu radi osiguravanja održavanja fizičke udaljenosti
- donose odluke o sadržajima potrebnim na radnom mjestu, i
- predlažu druge promjene koje mogu uticati na zdravlje i sigurnost radnika.

Morate se držati svih dogovorenih postupaka. Ako postoje predstavnici zaštite na radu, morate ih uključiti u konsultacije.

Više informacija

Za više informacija o COVID-19 i zaštiti na radu, posjetite [Safe Work Australia website](https://www.swa.gov.au/coronavirus).